

- 1^r Wer schiessen will / der lüg vnd triff
- 2^r Dann düt er nit die rechten griff
- 3^r So schüßt er / zû dem narren schiff



Von bosen schützen

- 1 Wolt es die schützen nit vertryessen
- 2 Jch richt ouch zû / eyn narren schyessen
- 3 Vnd macht eyn schützreyn / an dem staden
- 4 Des mancher fält / nit on syn schaden

5 Dar zû sint goben ouch besteltt
 6 Der nâhst bym zyel / der selb der heltt
 7 Zûm mynst er zû verstechen kumbt
 8 Doch lûg er / vnd heb nit jnn grundt
 9 Noch jn die hôh / sunder jnns zyl
 10 Wann er den zwâck sunst rûren will
 11 Vnd dûg syn anschlag nit zûr yl
 12 Vil sint die schiessen über vß
 13 Eym bricht der bogen / senw / vnd nuß
 14 Der dût am anschlag manchen schlypff
 15 Dem ist verruckt stûl oder schyppff
 16 Dem loßt das armbrust / so ers rûrt
 17 Das schafft der wyndfad ist geschmyert
 18 Dem stâckt das zyl nit glich als ee
 19 Vnd kan syn gmerck nit haben me
 20 Der hat gemacht gar vil der schütz
 21 Die jm doch sint gantz wenig nütz
 22 Das schafft / jm würt die suw kum wol
 23 Wann man zû letst verschyessen soll
 24 Keyn schütz so wol sich yemer rüst
 25 Er fynd allzyt / das jm gebrüst
 26 Dann diß / dann jhens / do mit er hett
 27 Eyn wôrwort / das syn glympff errett
 28 Wann er nit hett gefâlet dran
 29 So hett er fry / die gob behan /
 30 Vor vß / weiß ich noch schützen mer
 31 Wann die eyn schyessen hôren verr
 32 Do hyn von allen landen lüt
 33 Zû zyechen vff bestymbte zytt
 34 Die besten die man fynden kan

35 Der eynr die gob kum vor wolt han
 36 Dann er all schuß / halt an *dem* zwäck
 37 Das eyner dann ist so eyn gäck
 38 Der weißt / das er *nüt* gwynnet gar
 39 Vnd dannaht do hyn ziehen tar
 40 Vnd do versúchen ouch syn heyl
 41 Jch nem syn zerung / für syn teyl /
 42 Jch will des gelts jnn doppel geschwigen
 43 Die suw würt jm jnn ermel schrigen /
 44 Zúr wißheyt mancher schiessen will
 45 Vnd wenig treffen doch das zyl
 46 Das schafft / man seygt nit recht dar noch
 47 Der halt zú nyder / der zú hoch
 48 Der loßt sich bringen vß dem geseyg
 49 Dem bricht syn anschlag gantz entzwey
 50 Der dút als Jonathas eyn schuß
 51 Dem fert syn anschlag hynden vß
 52 Wer wißheyt eben treffen will
 53 Der durfft / das er hett solche pfil
 54 Der Hercules hat me dann vil
 55 Mit den er traff als das er bgerdt
 56 Vnd was er traff / viel dott zúr erdt
 57 Wer recht zúr wißheyt schiessen will
 58 Der lüg das er halt moß vnd zyl
 59 Dann fält er / oder hebt nit dran
 60 So muß er mit den narren gan
 61 Wer schiessen will vnd fält des reyn
 62 Der dreitt die suw jm ermel heyn
 63 Wer jagen / stechen / schiessen will
 64 Der hat kleyn nutz / vnd kosten vil

36 dem] den *GW5046* 38 nüt] nütz *GW5046* nütz *GW5047* 55 bgerdt *GW5046* *GW5047*]
 gerdt *GW5041*